

武定府志
(咸豐)
五

武定府志卷之二十四

人物志 清介 循良

清介

府屬

宋

劉蟠字士龍濱州渤海人漢乾祐二年進士宋初授
安遠及河陽節度推官拜監察御史太平興國初
以倉部員外改淮南轉運使歲漕江東米四百萬
斛以給京師頗稱職秩滿賜金紫詔許再任丁內
艱以諸州綱運留滯起復知京城發運司調給無

賈之嘗受詔巡茶淮南一時私販悉絕蟠性清介
所至剔蠶夙弊塵不染累官至河北水路轉運
使判刑部事

元

張飛卿樂陵人秉身剛正不畏強禦由監察御史累
官至左丞護軍封清河郡公

明

李益字守謙利津人洪武間以人材舉授戶部主事
清介自持同列皆忌其峻潔居官數年身無更衣
會聖誕節詔百官俱服錦繡進賀乃假千戶服色

上見之詰其故益以實對命搜其家止得俸米數
升于皂靴中太祖嗟歎良久賜錦衣一襲轉饒州
府通判陞知本府會有蝻災益齋沐虔禱忽大雨
蝻死次年旱益徒行四十里禱于龍潭禮未畢而
雨至歲以大有在任十八年士民戴之如父母擢
山西叅議饒人赴闕請留又二年始之山西任尋
陞山西右布政使致仕

王英字彥華利津人永樂甲午舉人初任陝州學正
歷陞湖廣辰州知府剛介有爲不避權勢有總兵
某恃勢威虐部民英舉劾其事一方稱快在官廉

潔自矢不治家產子孫貧乏僦屋以居清議重之
楊昭利津人宣德初由貢生任苑馬寺丞尋陞太僕
有雅操在官二十年家無衣帛時稱爲清白吏

賈斌商河人剛介尙義篤于孝友爲諸生時母病思
冰籲天求之果于積草下得冰供母父母卒各廬
墓三年坐事黜爲天城衛令史景泰初攷次歷代
名臣行實附以宦官恃寵蠹政可爲鑒戒者纂集
成書名曰忠義集又著書曰學兵梯航詣闕上疏
極言朝廷任用非人大臣尸位畏懦宦官竊柄尤
宜急除不可優寵以成其奸引漢桓帝唐文宗宋

徽欽爲戒反復數百言上嘉納仍以所進書頒行天下時靖遠王忠毅叅贊留都聞斌名疏請改爲行軍掾史授蜀府工正在官三十餘年清苦之節始終不渝乞休歸卒年九十三歲

唐愷字虞卿陽信人成化戊戌進士授戶部主事再補比部遷揚州知府清操愈著門無私謁時維揚鹽課歲數萬緡舊守皆入私橐愷盡登于冊一無所取以疾卒於官

丁翊海豐人晉府紀善丁福之子成化甲辰進士授戶部主事遷員外轉雲南副使正德中劉瑾欲結

爲援恐其不從以計詔之翊歎曰天下焉有男子而爲婦人愚者乎瑾聞之大怒矯旨逮下獄後瑾伏誅得釋未及用而卒

盧亨商河人成化丁未進士擢兵科給事中居諫垣十餘年多所建白歷陞太常寺卿正德間逆瑾用事欲亨往見許以美秩亨不屈卽引年致仕生平未嘗與人相忤有犯者旁觀不堪亨視之若未狎已也卒賜祭葬子杰正德舉人知灤州有惠政今入名宦

王訓字翰音陽信人宏治壬子舉人授戶部司務忤

道瑾謫南雍學錄時琉球遣子侍講厚餽以金訓峻却之尋改北監丞節操益勵陞蘇州府同知

韓荆字廷芳陽信人宏治己未進士除中書舍人選給事中持正不阿歷太常寺卿僚屬或受獎儀及年賀者荆曰若以不卻爲恭耶恐夷齊汗顏哉總督南儲時監收者違例徵價荆查積歲羨餘悉寘于法會陞工部侍郎衆起浮言致仕而歸囊無餘貲常自題曰官至九卿還有債年登七十尙無孫其清苦可知卒賜祭葬

張邦瑞商河人正德丁卯舉人任南兵部司務陞戶

部員外歷郎中以年資應抽分蕪湖及北新關邦
瑞力辭不往人以爲難終石阡府知府比懸車囊
橐蕭然所居僅蔽風雨怡然安之

崔敦素濱州人讀書砥行笑言不苟正德六年流賊
延掠至濱冒矢石以扞難不支而避有女子隨之
敦踰垣女牽其裾敦指示以生路而不與俱雖造
次不渝如此其子孔昕登進士

邊瑀字朝佩霑化人事繼母以孝聞正德己卯舉于
鄉授兵部司務遷戶部員外郎以廉著聲嘗查工
部庫多羨金主者雅相善欲私之而心憚瑀矚瑀

出以二百金投瑀次子瑀歸知其事撻次子袖金而反之亦不泄出守石阡致政歸檢行笥得銀僅六十九兩

傅珉字君器武定州人十一歲補博士弟子員食餼于庠五試未遇正德辛巳貢入太學後任華亭丞華亭故大邑里甲率多常例錢珉盡却之曰官雖卑已爵于朝俸祿之謂何乃以是玷我生平哉歲餘告歸

魏闕字子瞻利津人由貢士除永平府通判調延安府以直氣忤當道改四川重慶教授致仕歸里平

生質直甘淡薄不俯仰于人歷官俱有惠政士民思之

楊廷相青城人正德己卯舉人授漢中府通判清而有執富人某扞罔伺相他出餽稻一囊匿金其中相歸叱還之真諸法漢民爲立生祠陞懷慶府同知審編均役多惠政比掛冠歸日手一編澹如也

祀鄉賢

陳應薦青城人嘉靖乙丑進士授虞衡司主事有某瑞以五百金餽上覆豆豉薦佯應之曰吾素不嗜此力邦之尋遷員外郎轉郎中督開會通河漕運

稱便陞常州知府致仕歸家居非公事不詣官庭
口不言人過而胸中涇渭井如也會門生按東土
有持百金造請者薦曰直指方持斧以三尺從事
何翫法自吾始耶其人慚而退

于思睿青城人嘉靖甲戌進士授工部主事出權徐
州宿弊盡革陞營繕司員外郎督修仁壽宮嚴出
納節省以數萬計轉虞衡司郎中陞江西瑞州知
府清操亮節大爲士類推服

張灞字本靜濱州人嘉靖戊子舉人授涇陽令在任
七載止積存俸八十金不給歸斧上官士庶皆稱

其廉再任饒陽清介亦如之

王宏道字士達霑化人性純孝居父喪哀毀幾殞嘉靖壬辰成進士授鳳翔府推官平反最多署府事有羨金千餘兩同僚曰取而有無傷也宏道乃悉報之冰蘖自誓終始不渝強禦藩戚歛手云避王推官適御史與臬司訐奏逮錦衣獄二年不爲動日夕誦左氏春秋事白擢南臺御史慨然有澄清之志居三月病卒

韓容字可受青城人隆慶辛未進士授宜興縣令丁父憂服闋補武陟遷天雄別駕尋守澤州轉南王

曹所在剪凶暴杜請囑尋陞高州守乞歸終養母
卒躬親封樹厭城市塵囂日騎款段詣郊園中山
月溪風自相賓主而已

史延齡號松軒武定州人天性孝友好稽古工聲律
補博士弟子員試輒高等時有指揮使犯法當拔
黃暮夜持千金希居間齡力絕之後出貢授青州
訓導卒于官所遺惟圖書數卷著有野史集

王協夢字肖甫利津人隆慶間恩貢授山西岳陽令
地僻民頑邑多逋負夢多方撫字賦完而民不苦
陞鞏昌府通判監收甘州軍餉不下十餘萬毫無

梁指歷陞臨洮府同知趙府左長史

李元忠霑化人萬歷甲午舉人選故城令廉明有威
豪強震讐徵賦懸戮于櫃聽納戶自封投入不取
羨餘以忤屯田直指使值計典遂劾罷之宦橐如
洗邑人醵金贖送立生祠祀之

顧四明號孝泉利津人萬歷乙未進士除清苑令有
舞文者必寘之法邑當衝繁以不能馘馘上官故
求改松江教授敦名節課經藝學有義租數百石
按籍悉散諸貧生聞親恙卽棄官歸後補應天教
授遷國子博士轉戶部郎中監兌蘇松蘇松貯有

未解銀四十餘萬明悉疏歸公務陞吉安知府舉
天下清廉第一移疾歸里杜門不謁有司邑有大
利害必力白當道後推河南提學副使

張延庚濱州人萬厯間歲貢任續溪縣教諭巡方入
境不循例郊迎巡方問以故對曰教化之本在學
校學校之倡在師儒羞奔走逐隊與與夫伍願棄
職巡方高其品薦于朝疏免教員執役自此始

王庚字紫瀾利津人天性聰穎經史一覽不忘工書
法尤長于詩古文辭天啟丁卯領鄉薦任剡城教
諭陞知代州清介自勵潔已愛民忤宣大內璫王